



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-594/22-2
Sarajevo, 31.03.2022.godine

ČLANOVIMA PARLAMENTARNE KOMISIJE ODGOVORNE ZA REVIZIJU

Dana 29.03.2022. godine održana je 29. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 12 od ukupno 14 članova Komisije, samim tim ispunjeni su svi uslovi za punovažan rad u pogledu kvoruma i odlučivanja. Predsjednik Komisije je predložio **dnevni red** koji je jednoglasno usvojen, a koji glasi:

1. Usvajanje zapisnika sa 28. Sjednice Parlamentarne komisije odgovorne za reviziju,
2. Godišnji finasijski izvještaji za 2021. godinu Ureda za reviziju Institucija u F BiH,
3. Izvještaj o aktivnostima Ureda za reviziju institucija u F BiH za 2021. godinu,
4. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Usvajanje zapisnika sa 28. sjednice Komisije

Zapisnik sa 28. sjednice Komisije je jednoglasno usvojen.

2. Godišnji finasijski izvještaj za 2021. godinu Ureda za reviziju institucija u F BiH

Sjednici Komisije prisustvovali su: Dževad Nekić – generalni revizor Ureda za reviziju institucija u Federaciji BiH, zamjenik generalnog revizora Dragan Kolobarić, Mia Buljubašić – šefica Kabineta generalnog revizora i Enesa Kadrić – odjeljenje za finasijsko-računovodstvene poslove.

Predsjednik Komisije je otvorio raspravu o drugoj tački dnevnog reda. Riječ je data predstavnicima Ureda za reviziju institucija u Federaciji Bosne i Hercegovine, koji su detaljno obrazložili dostavljeni godišnji finasijski izvještaj za 2021. godinu. Nakon izlaganja finasijskog izvještaja za 2021. godinu od strane predstavnika Ureda za reviziju, Komisija konstatuje da je primila informaciju o godišnjem finasijskom izvještaju za 2021. godinu Ureda za reviziju Institucija u F BiH, a koji je dostavljen Parlamentarnoj komisiji u skladu sa članom 6. stav 1) Zakona o Uredu za reviziju institucija u Federaciji Bosne i Hercegovine ("Sl. novine Federacije BiH" broj 22/06).

3. Izvještaj o aktivnostima Ureda za reviziju institucija u F BiH

Predsjednik Komisije otvorio je raspravu o ovoj tački dnevnog reda. Riječ je ponovno data predstavnicima Ureda za reviziju institucija u Federaciji Bosne i Hercegovine, koji su detaljno obrazložili članovima Komisije, Izvještaj o aktivnostima Ureda za reviziju institucija u F BiH za 2021. godinu. Nakon izlaganja od strane predstavnika Ureda za reviziju, Komisija konstatuje da je primila informaciju o aktivnostima Ureda za reviziju institucija u F BiH za 2021. godinu.

4. Tekuća pitanja. Pod ovom tačkom dnevnog reda diskutovano je o najavljenom reviziji “Naftnih terminala Federacije” d.o.o. Ploče i pristiglom dopisu “Operatora terminala Federacije” d.o.o. Sarajevo.

Predsjednik Komisije otvorio je raspravu o četvrtoj tački dnevnog reda. Nakon duže diskusije sa predstavnicima Ureda za reviziju institucija u Federaciji BiH, gdje su članovi Komisije detaljno razmatrali ovu tačku dnevnog reda i gdje su upoznati sa dopisom Operator terminala Federacije d.o.o. Sarajevo, o svim poduzetim aktivnostima za postupanje po službenim upitima koje je Uprava Naftnih terminala Federacije d.o.o. Ploče, uputila nadležnim institucijama, Parlamentarna komisija odgovorna za reviziju jednoglasno je usvojila slijedeći zaključak, koji je potrebno dostaviti Vladi Federacije Bosne i Hercegovine, Federalnom ministarstvu energije, rudarstva i industrije i Operatoru terminala Federacije d.o.o. Sarajevo, koji glasi:

ZAKLJUČAK

Parlamentarna komisija odgovorna za reviziju traži od Vlade Federacije Bosne i Hercegovine, Ministarstva energije, rudarstva i industrije Federacije Bosne i Hercegovine i Operatora terminala Federacije d.o.o. Sarajevo, da hitno dostave svu traženu dokumentaciju, najavljene i planirane finasijske revizije “Naftnih terminala Federacije” d.o.o. Ploče za 2021. godinu od strane Ureda za reviziju institucija u Federaciji BiH. Svu traženu dokumentaciju dostaviti Uredu za reviziju institucija u Federaciji BiH, najkasnije u roku od 15 dana od dana prijema ovog Zaključka.

ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU

Ivica Pavković, v.r



PREDSJEDNIK
PARLAMENTARNE KOMISIJE
ODGOVORNE ZA REVIZIJU

Aljoša Čampara, s.r

